



gynnen in Beyeren in yrem lande von Lucc. und Graschaft von Chyny, ist uwer brieff an mich sprechende worden, abir viel verlassener wesilschryft inhaldende, de yr *sophistiee* setzet^{a)} und myt *logicalien*^{b)} meynt zcu zeeren und zcu verblomen, abir neyn, uwir vurnemen da inne und wynckelwege ir dainne gesoicht hait und uch vur eren und recht gedecket und usflucht eirbere geboede, wir uns schryftlich vereyniget hatten zcu usstrage zcukomen, genoich zcu uwerm vurtell; doch ist do inne gemerckt und woil verstanden, dan ich han uch vurgeschriben und daz ouch andern von uch verclaget, daz ir mit uwere moitwilliger veeden ir mir zcugeschriben hait, und umb die selbe sache wir unsen uissdrach wisten und angestalt hatten, eren und rechtz vurfluchtig worden syt, daz doch eyn snode behelffe von uch gesoicht ist, als mich beduucket; dan wer uch mit eren und recht woil gewest und hette deme ustrage, ir myr zcugeschrieben hait, nachdoren komen, ir enhette nyt uffgehaben urd erwecket in uwerm fedebrieffe dieselbe suche, da wir an deme rechten umb stonden, als vurgemelt ist. Doch we deme, soe dorret ir noch hude bie tage umb myne forderunge an uch und die uvern an mich zcu eren und zcu recht vurkomen, so schribent mir clair, waz uwere hern von Sachsen forderunge zcu mir sin sulle, und wan sy als vur die yren und yr als vur die uvern ghen mich verteidingen willent und nennent mir die clair in uwere schryfft, als onverdecket, als ich myne forderunge zcu uch geoffent und entdencket hain, ich wil uch noch vurbasser antworten zcu uwir schryfft, als ich meynen myner eren und gelympf woil fugiclich und zcemelich sin sulle, dan als witfeldig als ir die sache in uwere vurgeschryfft ghen mich vurgenomen hait, verdonckelt in eyne nebil, meynen ich, daz ich fortir gefolget gehabt habe und ingangen gewest sie, hette ir is dabie gelassen, dan myr noit wer und ich schuldig weir zcu thun. Slugent ir dys abir uis, so horet und verstunde man noch baz und forter dan bisher uwir flitterschryfft, pladerie, snode behelffe, vurflucht und winckelmaisse; dan syt yr dez, als vurgemelt ist, von myr bedorffent und begerent, ich wil uch dezglischenisse widderthun. In urkunde myns siegels heruf gedruckt uff montag XVI^{ten} dagis in deme septembre anno etc. XLIII.

(Fortsetzung folgt.)

^{a)} ses, D.

^{b)} loycalien, D.

^{c)} ur, D.